



/ 374 222 / 2-18-61, 2-11-91

ք. Արտվյան Սուրեն Մնացականյանի 5

«ԲԵՍԹ ՊԼՅՈՒՍ» ՍՊԸ

տնօրեն Ն.Նաջարյանին

(Գեղարքունիքի մ. գ. Լանջաղբյուր, Դպրոցականների 4

էլ. փոստ bestplyus2022@gmail.com)

### Ծ Ա Ն ՈՒ Ց ՈՒ Մ

/լրամշակված/

Պայմանագիրը միակողմանի /մասնակի/ լուծելու մասին

ՀՀ Կոտայքի մարզի <<Արտվյանի Վ.Համբարձումյանի անվան N10 հիմնական դպրոց>> ՊՈԱԿ -ի և «ԲԵՍԹ ՊԼՅՈՒՍ» ՍՊԸ -ի միջև 15.07.2022 թվականին ՈԱԲ10-ԳՀԱՇԶԲ-22/1

կապալային աշխատանքների /այսուհետև՝ Աշխատանքներ/ կատարման պետական գնման պայմանագրի /այսուհետև՝ Պայմանագիր/ 1.1 կետի համաձայն՝ «Կապալառուն պարտավորվում է սույն պայմանագրով սահմանված կարգով, նախատեսված ծավալներով, ձևով և ժամկետներում կատարել սույն պայմանագրի (այսուհետև՝ պայմանագիր) N 1 Հավելվածով սահմանված ծավալաթերթ-նախահաշվով նախատեսված «Արտվյանի Վ.Համբարձումյանի անվան N10 հիմնական դպրոց» ՊՈԱԿ-ի 1-ին և 2-րդ հարկերի միջանցքների և դասասենյակների վերանորոգման աշխատանքները (այսուհետև՝ աշխատանք), իսկ Պատվիրատուն պարտավորվում է ընդունել կատարված աշխատանքը և վարձատրել դրա համար»:

Պայմանագրի 1.3 կետի համաձայն՝ «Պայմանագրով նախատեսված աշխատանքները սկսվում են պայմանագիրն ուժի մեջ մտնելուց հետո և կատարման ժամկետը սահմանվում է՝ 60 օրացուցային օր»:

ՀՀ քաղաքացիական օրենսգրքի 408-րդ հոդվածի համաձայն՝ «Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

Պայմանագրի 3.1.4 կետի համաձայն՝ Պատվիրատուն իրավունք ունի միակողմանի լուծել պայմանագիրը և պահանջել հատուցելու իրեն պատճառված վնասները, եթե.

ա) Կապալառուն ժամանակին չի սկսում աշխատանքի կատարումը կամ աշխատանքը կատարում է այնքան դանդաղ, որ դրա ժամանակին ավարտը դառնում է ակնհայտ անհնար,

բ) Կապալառուն խախտել է պայմանագրի 1.3 կետում նախատեսված ժամկետը (ներառյալ օրացուցային գրաֆիկը)»:

գ) Կապալառուի կողմից կատարված աշխատանքը չի համապատասխանում նախագծանախահաշվային փաստաթղթերով սահմանված պահանջներին,

դ) Կապալառուի կողմից խախտվել են պայմանագրի 3.1.3 կետով նախատեսված հիմքերով աշխատանքի թերությունների անհատույց վերացման ողջամիտ ժամկետները

ՀՀ քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»:

Հաշվի առնելով այն հանգամանքը, որ Հնկերությունը Պայմանագրի կնքման օրվանից մինչ օրս չի կատարել պայմանագրով սահմանված պարտավորությունները՝ ՀՀ Կոտայքի մարզի «Աբովյանի Վ.Համբարձումյանի անվան N10 հիմնական դպրոց» ՊՈԱԿ-ը, ղեկավարվելով վերը նշված իրավական հիմքերով, միակողմանի /մասնակի/ լուծում է Պայմանագիրը:

Պատշաճ ծանուցումն ապահովելու նպատակով՝ կկիրառվի ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման մասին» Կարգի 33-րդ կետի 17-րդ ենթակետով սահմանված դրույթները:

Հնկերության կողմից, որպես պայմանագրային պարտավորությունների պատշաճ կատարման ապահովում ներկայացված որակավորման և պայմանագրի ապահովումները կից վճարման պահանջագրերի հետ միասին, սահմանված կարգով, կներկայացվեն Հնկերությանը սպասարկող բանկ՝ տուժանքի մասին համաձայնագրերով սահմանված գումարներից համապատասխանաբար 819 126 ՀՀ դրամ և 1 990 008 ՀՀ դրամ ՀՀ Կոտայքի մարզի «Աբովյանի Վ.Համբարձումյանի անվան N10 հիմնական դպրոց» ՊՈԱԿ-ի 900108000036 հաշվեհամարին փոխանցելու նպատակով:

«Գնումների մասին» ՀՀ օրենքի 6-րդ հոդվածի, 6-րդ մասի ա/ կետի համաձայն՝ անձը գնումների ընթացակարգերին մասնակցելու իրավունք չունեցող մասնակիցների ցուցակում ներառվում է, եթե «խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը»:

Տվյալ դրույթը հաշվի առնելով՝ առաջարկում ենք սույն ծանուցումը ստանալուց հետո 3 /երեք/ աշխատանքային օրվա ընթացքում «Աբովյանի Վ.Համբարձումյանի անվան N10 հիմնական դպրոց» ՊՈԱԿ-ի 900108000036 հաշվեհամարին փոխանցել վերը նշված որակավորման և պայմանագրի ապահովումների գումարները, հակառակ դեպքում՝ Հնկերությանը, «Գնումների մասին» օրենքի 6-րդ հոդվածի 1-ին կետի համաձայն, գնումների ընթացակարգերին մասնակցելու իրավունք չունեցող մասնակիցների ցուցակում ներառելու նպատակով, Հնկերության տվյալներն օրենքով սահմանված կարգով կներկայացվեն լիազոր պետական մարմին:

Հարգանքով՝

տնօրեն  Ա.Ստեփանյան

